

2021 ЙИЛ — ЁШЛАРНИ ҚЎЛЛАБ-ҚУВВАТЛАШ ВА АҲОЛИ САЛОМАТЛИГИНИ МУСТАҲКАМЛАШ ЙИЛИ

O'zingni angla!



Hurriyat

Mustaqil gazeta

Шавкат МИРЗИЁЕВ:

Мен ҳар гал ёшларимиз билан учрашганимда, сизларнинг ғайрат-шижоатингиздан куч-қувват оламан, кўнглим тоғдай кўтарилади. Ҳар бирингиз жонажон Ватанимиз ва халқимизга сидқидилдан хизмат қилиш орзуси билан ёниб яшаётганингизни яхши биламан. Сизларни Ўзбекистоннинг энг катта бойлиги, бебаҳо хазинаси сифатида юксак қадрлайман.

(Ўзбекистон Республикаси Президенти Шавкат Мирзиёевнинг Ўзбекистон ёшлари форумида сўзлаган нутқидан).

Gazeta 1996-yil dekabrda chiqarilgan ★ Elektron manzil: gazhurriyat@mail.ru ★ www.uzhurriyat.uz ★ 2020-yil 30-dekabr, chorshanba ★ № 51-52 (12116)

КУЛИБ КУЗАТСАММИ ЁКИ МАҒЗУН?



Одамзод ҳавойи нафс қурбонига айланаётган бир пайтда, билмайдик, бошқа хавф яқинлашаётганини. Ҳар йили 4,2 миллион киши ҳаво ифлосланиши оқибатида турли касалликлардан вафот этиши кўплари ташвишга солмаяпти. Иқлим ўзгаришига инсониятнинг таъсири кун келиб тузатиб бўлмас хатоларни келтириб чиқармаслигига ҳеч ким қафолат бермайд.

⇒ 8-бет

ЭҲ, ҚОРБОБО, ҚОРБОБО



Манави жой, манави юрак ҳеч қачон алдамайди. Эҳтимол мен кўрдирман, ўттиз йил олдин сўқир бўлганимча қолиб кетгандирман, лекин, юрагим кўр эмаслигини, юрагим кўриши мумкинлигини бугун шу ёшга кириб англаб етдим. Юрагим уни кўриши ҳамоно бир муддат тўхтаб қолди, ҳа, урмай турди. Ўлиб қолсам керак, энди ўлдим деб, ўйловдим.

⇒ 15-бет

“МЕН УЙГА ҚАЙТДИМ, ЎҒЛИМ!”



Хато қилган ҳар бир маҳкум борки, улар ҳам мана шу элнинг боласи. Адашгани афв этишнинг ҳикмати эса ҳаётда билиб-билмай қоқилган инсонга тўғри йўлни топиб олиши учун улкан имкониятдир. Қолаверса, унинг замирида халқимизга хос меҳр-мурувват, бағрикенглик каби улуг ғазилатлар мужасам.

⇒ 16-бет

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ОЛИЙ МАЖЛИСГА МУРОЖААТНОМАСИ

Ассалому алайкум, ҳурматли депутат ва сенаторлар! Азиз юрдошлар!

Муҳтарам меҳмонлар! Хонимлар ва жаноблар!

Олий Мажлисга ва халқимизга йўлланаётган бу йилги Мурожаатнома, ўтган йиллардан фарқли равишда, мураккаб бир даврга тўғри келмоқда.

Барчамиз яхши биламизки, бугунги кунда бутун инсоният коронавирус пандемияси деган глобал офатни бошидан ўтказмоқда. Бундай улкан фалокат жаҳон миқёсида сўнгги юз йилда рўй бермаган, десак, айни ҳақиқатни айтган бўламиз.

Охириги маълумотларга кўра, дунёнинг 191 мамлакатда 81 миллион киши коронавирус билан касалланган. Улардан 1 миллион 765 минг нафари вафот этган.

Пандемия жаҳон иқтисодиёти учун – шунга эътибор беринг – ҳар ойда қарийб 400 миллиард доллар миқдорига зарар келтирмоқда. Бугунги кунга қадар дунё бўйича 500 миллионга иш ўрни йўқотилган.

Афсуски, бу офат бутун инсоният қатори халқимиз учун ҳам қутилмаган ташвиш ва мураккаб муаммоларни келтириб чиқарди. Бухоро ва Сардобада юз берган табиий ва техноген офатлар ҳам эл-юртимизнинг иродасини яна бир бор синовдан ўтказди.

Халқимизнинг буқилмас иродаси, фидокорона меҳнати ва матонати, аҳоли ва давлат органларининг биргаликдаги саъй-ҳаракатлари туфайли мавжуд қийинчиликларни мардона энгиб ўтмоқдамиз.

Хабарингиз бор, пандемиянинг биринчи кунларидан бошлаб бутун бошқарув тизими ва барча тиббиёт муассасалари фавқулодда иш режимида ўтказилди.

Қисқа муддатда Тошкент шаҳри ва ҳудудларда барча шароитларга эга бўлган қарийб 30 минг ўринли даволаш масканлари ташкил этилди. Улар зарур дори-дармон, ҳимоя ва энг замонавий диагностика воситалари билан таъминланди. Пандемияга қарши курашиш учун 200 мингдан зиёд тиббиёт ходими, жумладан, чет эллик 150 нафар юқори маалакли шифокор ва мутахассислар жалб этилди.

Хориждан 600 мингдан ортиқ ватандошларимиз юртимизга олиб келинди. Чет элда қийин аҳволга тушиб қолган 100 мингга яқин фуқароларимизга зарур ёрдамлар кўрсатилди.

Пандемия оқибатларини юмшатиш ва бартараф этиш учун давлат томонидан жами 82 триллион сўмлик комплекс чора-тадбирлар амалга оширилди. Жумладан, Инкирозга қарши жамгарма ташкил этилиб, коронавирусга қарши курашиш, аҳоли ва корхоналарни қўллаб-қувватлаш билан боғлиқ тадбирларга бюджетдан 16 триллион сўмдан ортиқ маблағ йўналтирилди. Шунингдек, давлат корхоналарига ва 500 мингдан зиёд тадбиркорлик субъекти ҳамда қарийб 8 миллион фуқарога жами 66 триллион сўмлик солиқ имтиёзлари, кредит муддатларини узайтириш ва молиявий қўллаб-қувватлаш бўйича амалий ёрдамлар берилди.

“Саховат ва кўмак” умумхалқ ҳаракати доирасида фидойи ва олижанон ватандошларимизнинг фаол иштирокида 800 мингдан зиёд эҳтиёжманд оилаларга 1 триллион сўмдан ортиқ моддий ёрдам кўрсатилди.

Ўз пайтида қўрилган тезкор ва тизимли чораларимиз натижасида ўшбу хатарли касаллиқнинг кенг тарқалишига йўл

қўйилмади. Юртимизда осоийшта ҳаёт, барқарор иқтисодий ривожланиш давом этмоқда.

Карантин талабларини тўғри қабул қилиб, уларга амал қилган, сабр-тоқатли, олижанон халқимизга, ўта хатарли вазиятда ўзини аямасдан мардона меҳнат қилган жонкуяр шифокорларга, “Саховат ва кўмак” умумхалқ ҳаракатида муносиб иштирок этган барча тадбиркор ва фуқароларимизга яна бир бор ўзимнинг чўқур миннатдорчилигини изҳор этаман.

Пандемияга қарши курашда бизга амалий кўмак берган Бирлашган Миллатлар Ташкилоти, Жаҳон соғлиқни сақлаш ташкилоти, халқаро молия институтлари, Россия, Хитой, АҚШ, Туркия, Бирлашган Араб Амириклари, Жанубий Корея, Япония, Германия каби давлатлар раҳбарларига ташаккур билдираман.

Мамлакатимиз билан яқин дўстлик ва ҳамкорлик алоқаларини мустаҳкамлашга муносиб ҳисса қўшиб келаётган чет давлатларнинг ҳурматли элчилари, халқаро ташкилотлар вакилларига раҳмат айтиб, эзгу тилакларимни билдиришдан мамнунман.

Ҳурматли парламент аъзолари! Қадрли дўстлар!

Жорий йилда “Илм, маърифат ва рақамли иқтисодиётни ривожлантириш” Давлат дастурига мувофиқ янги Ўзбекистонни барпо этиш бўйича барча соҳаларда ислохотларни қатъий давом эттирдик.

Халқаро валюта жамғармаси ва халқаро рейтинг агентликлари таҳлилларига кўра, бу йилги синовларга қарама-қарсисан, Ўзбекистон дунёнинг санокли давлатлари қаторида ижобий ўсиш суръатларини сақлаб қолди.

Европа Иттифоқи тузилмалари билан яқин ҳамкорликда мамлакатимизга кенгайтирилган савдо преференциялари – “GSP+” тизимини татбиқ этиш бўйича, муҳим қадамлар ташланди. Ўшбу тизим келгусида республикамизда ишлаб чиқариладиган 6 мингдан зиёд турдаги маҳсулотларни Европа бозорига бож тўламадан олиб кириш имконини беради. Бу, ўз навбатида, биргина тўқимачилик маҳсулотларининг йиллик экспортини 300 миллион долларга ошириш учун шароит яратди.

Жорий йилда мамлакатимизнинг халқаро молия бозорларига чиқиш имкониятлари янада яхшиланди, илк бор миллий валютада 2 триллион сўмлик давлат еврооблигациялари паст фоизларда жойлаштирилди.

Бу йил республикамизда 197 та йирик, минглаб кичик ва ўрта корхоналар ҳамда инфратузилма объектлари барпо этилди. Жумладан, “Навоийазот”да аммиак ва карбамид ишлаб чиқариш комплекси ҳамда азот кислотаси заводи, Муборак, Газили ва Шўртан нефть-газ корхоналарида сувоқтирилган газ ишлаб чиқариш қурилмалари, Тошкент металлургия заводи каби йирик қуavatлар ишга туширилди.

Биргина энергетика соҳасида хорижий инвесторлар билан давлат-хусусий шериклик асосида 6 та янги электр станциясини барпо этиш ишлари бошланди. Уларнинг умумий қиймати 2 миллиард доллар бўлиб, 2 минг 700 мегаватт қувватга эга.

Тошкент шаҳрида 2 та янги метро станцияси ва илк бор 18 километрлик ер усти метроси фойдаланишга топширилди.

(Давоми 2-бетда)



Ҳалима ХУДОЙБЕРДИЕВА,
Ўзбекистон халқ шоири

ЯНГИ ЙИЛ БОШИДАГИ ИСТАКЛАР

Қишда дов-дарахтлар бурканар оққа,
Қорга лаб босадир ўйларим маним.
Қадрдон қаламим оппоқ вараққа
Пичирлаб тўқади куйган, суйганим.

Куйдирган, суйдирган дўстларим, салом,
Бул кун барчангизни чорлайман бир-бир.
Бул кун оқаради қуррайи олам,
Мурувват қўлини қўзғайди тақдир.

Қишда қор бўралар, давра қизийди,
Сухбат кетаётир нари-беридан.
Син шухрат тожини эрталоқ кийди,
Қиллар силжисмади турган еридан.

Тоғ кийган қўямасин тожини тушириб,
Тоғ остида бошини асрасин кўпроқ.
Туриб қолган кетсин чолиб, чарх уриб,
Қуласин елкадан босиб турган тоғ.

Қимки фарзандсизлик доғида юрса,
Рўшнолик келсину етиб куну ой,
Биби Фотимадек қўш фарзанд кўрсин,
Қўш бешик ўртаси бўлсин унга жой.

Қим айтмади битта сўзни ийманиб,
Шу сўз учун унга тилайман жўрват.
Қуймаган кетмасин доим куйманиб,
Енгил нафас олсин тиклай-тиклай қад.

Ўқисан сўдакка қўзим тушган чоғ,
Содоқати буюк йил келсин дейман.
Қай бир иттифоққа солсалар нифоқ,
Сийсати буюк йил келсин дейман.

Хаёллар чарх урар бошимда маним,
Эрта кун қолмас деб ерда доғли зог.
Эрта бажо бўлар менинг айтганим,
Сергавго дунё ҳам бўлғайдир бедог.

Эрта кун бу дунё бўлғай деб беҳишт,
Жимжитсин боғлар қилар ишора.
Бу қор ҳам иуларин айтмоқда, эшит,
Бу қор ҳам шундай деб қилар башорат.

Мен беҳишт шамолин яшириб сўзга,
Сўзладим, сўзларим ўқисин ер шарин.
Пири бадавлатлик, Оталар, сизга,
Хотиржам бахт сизга, Ойақонларим.

Жаннат жилғалари боғларда чопсин,
Йиғитлар бўлсин деб йўруғи келбат.
Қимки танҳо, бу йил бахтини топсин,
Бемор дўст соғайиб кетсин деб албат.

Янги йил оппоқ қор сўзлаган тундо,
Бази суронларин қузатаркан жим,
Безам ўтсин дейман йилинғиз шундай,
Суйдирган, куйдирган дўст-ёроқларим.

ЎЙЛАБ КЎРИНГ

Қорбобога мактублар



Қорбобожон!

Ўртоқларим: “Сенинг Қорбобонга фақат хоҳолаб қулишни билади, холос. Унинг қўлидан бошқа ҳеч иш келмайди”, дейишади. Лекин мен бунга ишонмайман. Сен ростдан ҳам сеҳрагарсан-ку, тўғрими? Менинг ишончим учун сен ўзининг нималарга қодир эканингни кўрсатишинг керак! Ўртоқларимнинг адабини бериб қўйишингни сўрамайман. Ахир буни хоҳласам, ўзим ҳам қилишим мумкин. Сендан сўрайдиган энг катта тилагим: қишлоғимизда электр токини ўчмайдиған қилиб қўй. Буни қила олсан-ку, а?!

Одамлар чироқни ёқиб учун электро... деган ташкилотча телефон қилишади. Мен “Келинг, бирга Қорбобога хат ёзайлик!” — дедим, лекин улар сенга ишонимаскан. Мен эса улар мурожаат қиладиган идораларга ишонмайман...

Кеча дадам зарур иш қилаётган пайти яна ток ўчиб қолди. Унинг жуда ҳам жажли чиқди. Қилларнидир сўқди. Бу жуда кўп такрорланади. Мен эса бошқа бундай бўлмаслигини истайман.



МУЛОҲАЗА



ТИНИМСИЗ ҒИЛДИРАК

Республикада 35-40 минг чоғли муаллимлар ўқувчиларга тарих фанидан сабоқ берар экан. Албатта, уларнинг ҳаммасини бир масала атрофида бошини қовуштириш қийиндир, бироқ ҳаммаси ғилдиракнинг кашф этилиш тарихи ва унинг инсон ҳаётидаги ўрнини яхши биладилар. Ибтидоий одам ғўла айланиб кетишини кўзи билан кўрган ва унга таассиб қилиб, кейинчалик ғилдиракка асос бўлган қурилмани яратгандир. Ғилдиракнинг эса техника, умуман, механикада ўйнаган ролини таърифлаш қийин. Унинг кашф қилиниши бу соҳада чинакам илқилоб ясаган. У жуда кўплаб механизмларнинг асосини ёки энг муҳим қисmini ташкил қилади.

Яна шундай фикрлар, гаплар борки, улар ҳам ғилдирак каби муттасил айланиб туради, тураверади. Узоққа бормай, тарих сабоқларини эсга олайлик. Аврелий Августин (356-430 йй.) “Бирор халқни уйғотмоқчи бўлсангиз, унга тарихини ўргатинг” деган экан. Машҳур илоҳиётшунос, файласуф, христиан черковига асос бўлган Гиппон ибодатхонасининг епископи бўлган зот беҳудага бу хулосага келмаган бўлса керак. У ҳақиқатни билишининг ягона йўли тарихни билишдир, деб таъкидлаган. Файласуф инсон ҳар қандай масалада ҳақиқатни (яъни, гап нимада-

нинг Оқ подшога ёзган ҳисоботларида “Биз ўзимиздан анча юксак салоҳиятга эга бўлган халқ билан юзма-юз бўлдик. Буларни енгиш қийин. Фақат тили ва тарихидан бегона қилибгина мақсадга эришиш мумкин” қабилда арз-хал қилишлари ҳам бежиз эмас экан. Бу хулосалар тарихда жуда кўп халқларни босиб олган мустамлақачилар сиёсати мисолида исботланган, уни таъкидлашдан мақсад баъзи лоқайдлашган эҳнларга масаланинг нечоғлиқ муҳимлигини яна бир марта таъкидлаб қўйишдир.



✓ САРҲИСОБ

Халқимиз розилиги — фаолиятимизга берилган ЭНГ олий баҳо

Бугунги янги ислохотлар даврида тадбиркорлик ва кичик бизнесни ривожлантириш давлат сиёсатининг энг устувор йўналишларидан бирига айланди. Эришилаётган натижаларни тадбиркорлар, ўрта ва кичик бизнес вакиллари юртимиз иқтисодиётининг барқарор ривожланиши учун бор имкониятларини сафарбар этаётганида кўриш мумкин.

Пандемиянинг синобли кунларида Юртбошимиз томонидан кўрсатиб ўтилган янгиланиш жараёнидаги тавсияларни барча юртдошларимиз қатори биз каби тадбиркорлар ҳам қўллаб-қувватлади. Улар шундай оғир шароитда ҳам юртимизда янги уй-жойлар, йирик заводлар, замонавий инфратузилма объектларини қуришда бор куч ва имкониятларини сарфлашмоқда.

Шу жумладан, "Zarafshan Golden Group" компанияси жамоаси қурилиш, меҳмонхона ва ресторон хизмати, тўқимачилик, металл конструкциялар, тош минералларини қайта ишлаш, те-

мир-бетон, ғишт, оҳак каби маҳсулотларни ишлаб чиқаришда, мева-сабзавотчилик, чорвачилик йўналишларида самарали фаолият олиб бораёпти. Компания ўз олдига юқори сифатли маҳсулот ишлаб чиқариш орқали ўз миллий брендини яратиш ҳамда замонавий архитектура талаблари асосида сифатли уй-жойлар ва ижтимоий объектларни барпо этишни мақсад қилиб қўйган. Ҳозирда икки минг кишилик жамоамиз билан яқунланаётган йилда бажарилган ишлар юзасидан сарҳисоб қилинмоқда. Эришилган натижалар шуни кўрсатадики, янги йилда янги лойиҳаларни амалга оши-

ришга имкониятимиз етарли. Агар ўзимиз режалаштираётган ишларни муваффақият билан амалга оширсак, сафимизга яна юзлаб мутахассислар, ишчи-ходимлар келиб қўшилиди. Улар кафолатланган иш ўринларига эга бўлишади.

Айтиш керакики, пойтахтимиз — Тошкент шаҳрида ҳам 10 та қўп қаватли уйлар барпо этилди. Ҳозирда замонавий уй-жойлар, бизнес маркази ва меҳмонхонадан иборат мажмуа пойтахтимиздаги Себзор даҳасида бунёд этилмоқда. Қурувчиларимиз томонидан қад кўтараятган бу уйларда аҳоли учун барча қўлайликлар яратилади.

Пандемия шароитида ҳам компаниямизнинг барча ишлаб чиқариш корхоналари ўз фаолиятини давом эттирди. Айниқса, "Туронбанк" акциядорлик тижорат банки билан тузилган узоқ йиллик шартномага асосан давом этиб келаётган ўзаро ҳамкорлигимиз натижасида, банкнинг молиявий кўмаги билан Кармана туманида замонавий иссиқхоналар мажмуаси, асаларичилик, узумчилик, боғдорчилик каби йўналишларда ҳамда Қизилтепа туманида ташкил этилаётган янги тўқимачилик фабрикаси каби истиқболли лойиҳаларни амалга ошираёلمиз.

Шунингдек, компаниямиз сўнгги уч йил давомида Навоий вилоятида 30 дан ортиқ қўп қаватли уй-жойларни қуриб, фойдаланишга топширди. Навоий ва Зарафшон шаҳарларида яна ўнга яқин қўп қаватли турар-жойлар қурилмоқда.

Бундан ташқари, Навоий шаҳрида замонавий технологиялар асосида

газ-бетон ва темир-бетон қурилиш материалларини ишлаб чиқариш заводи фойдаланишга топширилиш арафасида. Россия ва Хитой давлатларидан келган мутахассислар монтаж ишларини яқунлаяпти. Янги корхонада 300 нафардан зиёд ишчи-ходим доимий иш билан таъминланади.

Бугунги синобли кунларда юртимизда олиб борилаётган ислохотлар сенатор ва депутатлар зиммасига ҳам катта масъулият юклаш билан бирга, жойларда аҳоли билан кўпроқ мулоқотда бўлишни талаб этмоқда. Яқунланаётган йилда Қизилтепа, Қонимех туманлари ва Ҳозор шаҳри аҳолиси билан мунтазам учрашувлар ташкил қилиб келдик. Учрашувлар на-

тижасида маҳаллий Кенгаш депутатлари билан ҳамкорликда бир қатор муаммоли масалалар жойида ўз ечимини топди. Аҳолининг айрим муножаатлари юзасидан юқори ташкилотларга сўровномалар киритилди.

Жорий йилда биз учун қувонарли кечган ҳолатлардан яна бири, Туркия Республикасига қилган хизмат сафаридан янги лойиҳалар ва ғоялар билан қайтдик. Компаниямиз Туркиянинг "Serasan Yapı Teknik" қишлоқ ҳўжалиги ва инжиниринг иссиқхоналар маркази ҳамда "Varnet Glass Greenhouse Systems" компанияси билан 10 миллион АҚШ доллариялик ҳамкорлик битими имзолади. Яқин келажда вилоятимизда қишлоқ ҳўжа-

лиги маҳсулотларини етиштиришнинг энг замонавий, инновацион усуллари асосида ресурс тежовчи ва интенсив агротехнологияларни жорий этган ҳолда агрокластер яратилади. Агробизнеснинг кластер моделини татбиқ этиш туфайли юртимиз иқтисодиёти ривожига муносиб ҳисса қўшилиди.

Ҳозирда Кармана туманининг Маликабрат кўргони ҳудудида барпо этилган замонавий иссиқхонада Голландия ва Туркия технологиялари асосида гидропоника усули билан сабзавот маҳсулотлари етиштирилмоқда. Маҳсулотлар, асосан, экспортга йўналтирилаяпти.

Бир сўз билан айтганда, халқимизнинг розилиги — бизнинг фаолиятимизга берилган энг олий ва энг адолатли баҳодир. Шу боис, келгусида истиқболли лойиҳаларимизни амалга оширишда аҳолининг манфаатларини устувор билиб, фаолиятимизни яна давом эттираёلمиз. Мамлакатимиз ижтимоий-иқтисодий равнақига ҳисса бўлиб қўшилидиган қатор лойиҳаларимизни амалга ошираёلمиз, янги ишлаб чиқариш объектларини қуриб фойдаланишга топшираёلمиз, албатта.

Гўзал ва бетакор юртимизда Янги йил байрами шуқуҳи кезмоқда. Сарҳисоб ва эзгу ниятларга тўла ушбу айём арафасида барча юртдошларимизни самимий табриқлаймиз. Барчанинг хонадонидан қўп-барака аримасин! Тинчлигимизга кўз тегмасин!

Ўлугбек ФАЙЗНОВ,
Ўзбекистон Республикаси Олий
Мажлиси Сенати аъзоси,
"Zarafshan Golden Group" компанияси
таъсисчиси.



Реклама ҳуқуқи асосида



Навоий шаҳридаги "ZARAFSHAN GOLDEN GROUP" компанияси жамоаси



Барча юртдошларимизни кириб келаётган янги — 2021 йил билан самимий қўтлайди.
Янги йил юртимизга тинчлик-тотувлик, оилаларга шоду хуррамлик, файзу барака олиб келсин!
Барчамизга Янги йилда янги орзулар рўёбини кўриш насиб этсин!
Мусаффо осмонимиз тинчлигига, бағрикенг халқимизнинг меҳр-оқибатига ҳеч қачон кўз тегмасин!
Янги йилин шодиёнаси муборак бўлсин, азиз юртдошлар!

Хизматлар лицензияланган.



1 Сендан, биринчи, янги йил байрами кун чироқ ўчиб қолишининг олдини олишининг сўрамоқчи бўлдим. Лекин бу жуда ҳам осон-ку, шунинг учун қишлоғимизда умуман электр токини ўчмайди-га қилишининг сўрайман. Янги йил кунидан бошлаб тилагимнинг натижасини кутаман.

Ўқиратили Қорбобо, унутма, сен бизнинг ишончимиз сабаб мавжудсан.

УМИД.
Самарқанд вилояти,
Пайариқ тумани.

ҚОРБОБО!

Бизнинг қишлоқда баҳорнинг ўрталаригача ўз ватаниндагидек яшашинг мумкин. Эриб кетишдан асло ташвишланма. Бу ерларда сен жуда яйраб юрасан. Лекин ўзимиз сал қийналиб қолаяймиз-да. Телевизорда кўриб қолдим, газ деган нарсаси бор экан. Тўғри, бу ҳақда авваллари ҳам эшитиб юрдим. Лекин одамлар советгагиндан ўзини овутиш учун ўйлаб топган ҳаёлий нарсаси бўлса керак, деб ўйлаб юрдим. Чиндан ҳам бор экан.

Ўша нарсаси бўлса, ўтин ёқмасдан уйларни иситса, овқат пиширса, чой қайнатса бўларкан. Бу жуда ҳам зўр-ку. Шунда онам тонг қоронғисидан қалтираб-дириллаб кул олиб, ўтин ташиб юрмайди. Печкада тутаб кетса, совуқда ташқарига чиқиб туришга мажбур бўлмайми.

Қорбобо! Сен болаларни бахтли кўришни ис-тайсан-ку, шундайми? Бизнинг қишлоққа ҳам ўша газ деган нарсасидан олиб келиб берсанг, дунёда мендан бахтли бола бўлмасди, ишон. Ҳатто барча орзуларимни бир четга суриб, сендан бошқа ҳеч нарсаси сўрамасликка ҳам тайёрман. Бизга газ олиб келиб бер!

МУРОД.
Қашқадарё вилояти, Деҳқонобод тумани,
Байтқўрғон қишлоғи.

АЗИЗ ҚОРБОБО!

Сенга биринчи марта хат ёзгиларкан. Бундан ҳеч кимнинг хабари йўқ. Кимдир билиб қолса, хатим сенгача етиб бормаслиги мумкин. Балки сени бироз қийнаб қўйишим мумкиндир. Лекин менинг тилагимни амалга ошириш қўлинадан келади, деб ўйлайман. Ахир сен сеҳргарсан. Тилагимни сеҳргардан бошқа одам амалга оширолмаслигига иқрор бўлганим сабабли сендан ёрдам сўрайман.

Эсимни таниганимдан бери ижарама-ижара кўчиб яшаймиз. Сингилларим, укамга, айниқса, онамга жуда ҳам раҳмим келади. Шу кўч-кўчлар сабаб тайинли дўстим ҳам, ишонадиган одамим ҳам йўқ. Ўқийшим ҳам чатоқ.

Майли, мен сендан аъло баҳолар сўрамайман. Менинг энг катта тилагим — ўз уйимиз бўлиши. Бошқа кўчиб юришларга, ижара қўйувчиларнинг зардаларига, оиладаги жанжалларга чидай олмайман. Битта уйимиз бўлса эди, ҳаммаси яхши бўларди. Сен шу янги йилда бизга уй олиб келиб бер. Кейин роса мактанаман. Энди бизнинг ҳам уйимиз бор, дейман, сизларникига ўхшамайди, уни Қорбобо совға қилган, дейман.

Кейин ўқишларим ҳам яхшиланиб кетса керак...

ТИЛАК.
Навоий вилояти.

Қорбобо, Қорбобо! Янги йил кунини сен дунёнинг ҳамма жойини кезиб чиқасан, а? Ҳа-амма давлатларга борасан-ку, тўғрими? Россия деган жойда дадам бор экан. Аям айтган. Мен кичкинализимда кетиб қолган. Дадамни топиб айт, уйга келсин. Мен катта қиз бўлдим, йўғламайман ҳам. Аям устимдан кулфлаб ишга кетган пайтлари кўрқмай ўтираман. Лекин дадамни соғиндим. Сен уни олиб келсанг, дугоналаримнинг ҳаммасига мактанаман. Аямдан "Дадам қачон келади?" — деб сўрасам, "Кўп пул топсин, кейин келади, қизим", дейдилар. Менга уларнинг пули керакмас. Жон Қорбобо, дадамга айт, ўзи келса бўлди. Агар



бормайман, деса, қопинга солиб кел. Мени кўрсалар, қайтиб кетолмай қолади. Кейин ҳаммамиз бахтли яшаймиз.

Ҳайронман, Россияга кетмаганида кўп пул тополмасиди дадам?

МАҚСУДА.
Андижон шаҳри.

ҚОРБОБО!

Биламан, ҳамма болалар ўз тилақларини айтаверади, айтаверади, сенга ҳам қийин. Менинг ҳам мактубимни бир ўқиб кўришга вақтинча бўлар. Биз чекка бир қишлоқда яшаймиз. Дадам ҳар доим: "Бизнинг умримиз бор, ҳаётимиз йўқ", дейдилар. Очиғи, бундай гапларнинг маънисини тушунмайман. Лекин яхши гап эмаслигини ич-ичимдан ҳис қилиб тураман. Дадам ҳам, аям ҳам сен бу ерларда яшамаслигинг керак, дейишади. Пойтахтга кетишинг керак, кетиш учун яхшилаб ўқишинг керак, деб такрорлайверишади. Ўзимнинг ҳам жуда ўқигим келади. Лекин шу йил синфимизда 3 та болага умуман китоб беришмади. Ўшалардан биттаси менман.

Менга мактаб дарсликларини олиб келиб бер. Кутубхоначимизга айтдим, эски китоблар топиб келиб берди. Дадам келиб, янги китоб беринглар, деганида, тополмаяпмиз, шундан фойдаланиб турсин, деб қайтариб юборишди. Мен биламан, ўтган йили ҳам бир дўстим билан шундай бўлган. Йилнинг охиригача эски китобларни ишлатганди. Лекин мен буни хоҳламайман. Кел, ўша ку-

тубхоначи опани ҳам овора қилмайлик. Чиндан тополмаётгандир. Яхшиси, ўзинг менга янги китоблар олиб келиб бер. Мен яхши ўқишим керак.

САФАР.
Бухоро вилояти, Қоровулбозор тумани.

Қорбобо! Мен 8 ёшдаман. Шу пайтгача ўйинчоқ ўйнамай катта бўлдим, энди ҳам керак эмас. Ширинликларга ҳам ўч эмасман. Ёки учини учун елкамга тақилдиган қанот ҳам, маликаларга ўхшаш учун бошимга олтин тож ҳам истамайман сендан. Мен оилам тинч-тотув бўлишини ис-тайман, дадам аямни урмаслигини, аям дадамни қарғамаслигини хоҳлайман. Биламан, бировларнинг оиласига аралашиб сенинг ишинг эмас. Бироқ...

Дадамнинг бирор яхшироқ иш топишига ёрдам бер. Ўйимиздаги ҳамма жанжаллар дадамнинг ишсизлиги сабаб. Аслида дадам ҳам, аям ҳам яхши одамлар. Лекин уйимиздаги камчиликларни деб, урушиб қолаверишади-да. Ҳамма нарсамиз жойида бўлса эди, тинчгина яшаган бўлармидик...

ОРЗИГУЛ.
Тошкент шаҳри,
Олмазор тумани.

Қорбобога мактубларни Шахзод ШОДМОНОВ ёзиб олди.

ҚУТЛОВЛАР

“Самарқанд зиё тарқатувчи” МЧЖ жамоаси

Ўқиб келайтиган
Янги йил билан барча
юртдошларимизни
самимий муборакбод этади.
2021 йилда оилангизга
тинчлик-хотиржамлик
тилаймиз! Дастурхонингиз
тўқин, ризқингиз мўл бўлсин!
Келаси йилда ҳам она диёримиз
осмони мусавфоро, янгиланиш
салоҳияти бардавом бўлсин!
Азиз Ватандошлар,
Янги йил айёми билан яна бир бор
табриклаймиз!



Реклама ҳуқуқи асосида.

МТ MATBUOT
tarqatuvchi

АКЦИЯДОРЛИК КОМПАНИЯСИ



Юртдошларимизни,
жумладан, тармоқ тизимида меҳнат
қилаётган ҳамкасбларини

ЯНГИ — 2021 ЙИЛ

билан самимий
муборакбод этади.

Янги йил барчага мустаҳкам сиҳат-
саломатлик, оилавий тинчлик-
хотиржамлик, қут-барака олиб
келсин!



Реклама ҳуқуқи асосида.



Дунё сиёсат майдонида ҳамманинг нигоҳини бир нуқтада жам қилган Америка Қўшма Штатларидаги сиёсий жараёнлар ҳали-ҳамон ниҳоя топпади. Дональд Трамп Оқ уйни ўзига яна ётоқхона қилмоқчимиди, нега ютқазганлигини тан олгиси келмади? Ёки ростан ҳам Жо Байден сайловда фирромлик қилдими? Дональд Трамп бир неча бор ОАВларига берган интервьюсида сайловда ноҳақлик бўлгани ҳақида гапирди. Аммо қайта текширув натижалари Жо Байденнинг фирромлик қилмаганини кўрсатди. Қизиқ...

АЙБГА БУЮРМАЙСИЗ, КУРАШ ЙЎЛИ БЕШАФҚАТ



Хозирча АҚШ президенти бўлиб турган Дональд Трамп ўзининг "Twitter" саҳифасида АҚШ Федерал қидирув бюроси ва Адлия вазирлигини президент сайловларида содир этилган "мамлакат тарихидаги энг йирик фирибгарлик"ка нисбатан ҳаракатсизликда айблади.

Трамп: "Овоз бериш жараёнида содир этилган қонунбузарликлар бўйича рад этиб бўлмас далиллар бор"лигини ва бунинг учун юқорида номлари зикр этилган идоралар "уялиши керак"лигини таъкидлаган.

"Тарих эслаб қолади. Ҳеч қачон таслим бўлмаслик керак. 6 январь куни Колумбия округида учрашамиз", деб ёзган Трамп "Twitter" саҳифасида.

АҚШда бўлиб ўтган президентлик сайлови натижаларига кўра, Жо Байден ғолиб деб топилганлиги маълум. Трамп эса ҳамон мағлубиятини тан олгиси йўқ.

Сўнгги кунларда ижтимоий тармоқларда АҚШ президентлик сайловларидаги ютқазиб Дональд Трампнинг руҳиятига жиддий шикаст етказганлиги тўғрисида хабарлар тарқалди. Бу ҳақда италиялик психолог ва психотерапевт Сара Регинелла хабар берган.

Унинг сўзларига кўра, Трамп ўзини камситилгандек ҳис қилгани сабабли жуда оғир руҳий зарба қабул қилиб олган ва бу яра ҳали бери тузалмайди.

Маълумот учун, айнан 17 декабрь куни Трамп ғазабланиб, Оқ уйни тарк этишни рад этгани ҳақида хабар тарқалганди.

ПАШИНЯН КИМНИНГДИР КЎМАГИГА ИШОНАЯПТИМИ?



Шу кунгача, минглаб арман халқининг талабига бўйсунмай, ўз креслосига маҳкам ёпишиб олган Арманистон бош вазири Н.Пашинян эндиликда халқ унинг истеъфосини истаса, бунга тайёрлигини кўрқмасдан маълум қилди. Аммо

у ўзининг "Facebook"даги саҳифасида бунинг учун навбатдан ташқари парламент сайловлари ўтказиш зарурлигини айтган.

"Мен халқ қарор қилса, бош вазир лавозимидан кетишга тайёрман. Фақат бу лавозимдан халқ қарори билангина кета оламан", деб ёзган Пашинян.

Шунингдек, у халқ хоҳиш билдирса, мана шу мураккаб вазиятда Арманистонга раҳбарлик қилишни давом эттиришга тайёрлигини ҳам айтган.

Қизиги, Арманистон бош вазири сайловларни 2021 йилда ўтказишни таклиф қилгану, аммо қайси санада эканини қайд этмаган.

УКРАИНАНИНГ "ТОННА"ЛАБ ҚУРОЛИ БЕЛАРУСДАМИ?



эканлигини тасдиқлагани масалани анча ойдинлаштирган эди.

Энди мамлакат ичкарасига қирғин қурулларининг олиб кирилиши яна А.Лукашенкога ташвиш келтираяпти. Айниқса, қурул-яроғ Украина чегараси орқали олиб ўтилаётгани хавф бурнининг тагида эканини билдирмоқда. Президентнинг сўзларига кўра, Беларусь махсус хизмати вакиллари "террорчи гуруҳи"ни қўлга олган. Улар бутун Беларусь бўйлаб қонли тўқнашулар, терактларга тайёрланишган.

Ижтимоий тармоқлардаги хабарларда келтирилишича, "Яқинда Автуховичнинг гуруҳини қўлга туширдик. Аблахлар. Улар Украина орқали "тонна"лаб қурул ташиган. Бутун мамлакат бўйлаб терактлар тайёрлаган ва амалга оширишни бошлаган. Ўзлари ёнишди. Чекистлар бу операцияни милиция билан биргаликда утказди. Баракалла! Худога шукр, улар ушланди", деган Лукашенко.

ЧЎКАЁТГАН ОДАМ, СОҲИЛ ЭСА ЙИРОҚ

Жо Байден президентлик қасамёдини ҳали қабул қилмади. АҚШ президенти бўлиб турган Дональд Трамп эса ўз сўзида қатъий турмоқда. У АҚШ Конгресси томонидан тасдиқланган икки кунлик бюджетни ҳам ишонч билан имзолади. Бу ҳақда ТАСС Оқ уйга асосланиб хабар берди.

Хозирги кунда барча давлатларни ташвишга солиб турган Covid-19 таслим бўлишни истамапти. Шу боис, Жонс Хопкинс университети маълумотларига билдирилаётган муносабатлар ҳамманинг эътиборида турибди. Айни кунларда АҚШда коронавирус юқтириш билан боғлиқ ҳолатлар сони 19,1 миллиондан ошган, 330,6 минг киши вафот этган.

Дональд Трамп бундай вазиятдан унумли фойдаланаяпти. У айрим (демократларнинг таъсири кўпроқ) штатларда коронавирус тарқалишига қарши курашиш учун жорий этилган карантин чоралари вируснинг ўзидан ҳам ёмонроқ эканлигини бот-бот таъкидламоқда.

"Демократлар бошқараётган штатлардаги карантин кўплаб инсонлар ҳаётини издан чиқаради. Бу Хитой вируси келтирган зарардан ҳам ёмонроқ. Карантинга қарамасдан, Калифорнияда касаллик юқтиришлар ўсди, Флорида ва бошқа штатлар карантинга ёпилмади, ахвол ҳашиланмоқда", деб ёзди Трамп "Twitter" саҳифасида. "Йиқилган курашга тўймас", деб шунга айтсалар керак...

ВАЗИЯТ УЛАР ЎЙЛАГАНДЕК БЎЛМАДИ



Дунё океан устида қалқиб турган улкан кемага ўхшайди. Кемани бошқаришга талаш давлатлар ичидан Франция ҳам борлиги дунё оммавий ахборот воситаларида айтилмоқда. Франглар мамлакатига чиқадиган "Charlie Hebdo" сатирик журнали пайғамбаримиз Мухаммад соллаллоху алайҳи вассалламини ҳажв қилувчи беш йил аввал чоп этган карикатураларни яна такроран чоп этиб, гўё

Франция давлатининг обрўсини ошириб қўймоқчи бўлганди. Аммо...

Вазият улар ўйлагандек бўлмади. Балки халқлар ўртасида шусиз ҳам ниҳоя топпаётган даҳанаки низоларнинг яна авж олишига сабаб бўлди.

Бу борада, аввалига, Франция президенти Эммануэль Макрон "Charlie Hebdo" сатирик журнали тарафини олди. Дунё ҳамжамияти эса пайғамбаримиз Мухаммад соллаллоху алайҳи вассалламининг тарафдорларини қўллаб-қувватлади. Буни дарров англаб қолган Макрон ўйланмай босилган қадам ва айтилган гап бошга бало келтиришини билиб қолди ва яна бетарафлик тизгинини қўлига олди.

Бундай ҳолатлар, айниқса, Франция давлати тарихида учраб туради. Ижтимоий тармоқларда доимий хабар тарқатувчилари Франция президенти ноқўя ҳаракати боис Covid-19га чалинганини башорат қилиб бошлаганди.

Аммо, энг ачинарлиси, "Charlie Hebdo" сатирик журнали директори Лоран Суриссо: "Биз ҳеч қачон енгилмаймиз, ҳеч қачон таслим бўлмаймиз", деб ёзди. Аслида, у тинчлик, ўзаро ҳамжиҳатликни мустаҳкамлаш, шусиз ҳам чайқалиб турган дунёни жунбушга келтирмаслик тарафида бўлса, мақсадга мувофиқ бўлар эди. Ҳар қандай кескин ҳаракатлар халқлар ўртасида келишмовчилик, бир-бирига ишончсизликни юзгага келтиришини жаҳон аҳли тушуниб қолган.

САНЪАТСЕВАР ПРЕЗИДЕНТ НИМАДАН НОРОЗИ?

Кутилмаганда ижтимоий тармоқларда, худди хавф юқоридек, Украина президенти Владимир Зеленский: "Агар Россия Украинага ҳужум қилса, аёллар ҳам армияга чақирлади", деган хабари тарқалди.

Президентнинг хавфсирасига сабаб, аввалроқ "Крим-татар халқи мажлиси" жамоатчилиги бирлашмаси раҳбари Рефат Чубаров: "Россия Днепрнинг сув ресурсларини я р и м о р о л (Крим назарда тутилган. Таҳ.) эҳтиёжи учун йўналтириш мақсадида Крим тарафдан ҳужум уюштириши мумкин", деган эди.

Албатта, халқлар ўртасида нотинчлик беркорга содир бўлмайди. Бундай моҳаролардан яхшигина фойда кўрадиганлар уруш ўчоғини алангалатиб туришади.

Зеленский вокаларнинг бундай тарзда ривожланишини даҳшатли, деб атади ва бу юз бермаслигига умид билдирди.

"Акс ҳолда катта уруш бўлади. Биз ҳеч қачонга кетмаймиз, ҳаммамиз жанг қиламиз, барча — эркаклар ҳам, аёллар ҳам сафарбар қилинади. Бу Украина халқи учун ёмон бўлади. Россия буни жуда яхши тушунади, деб ўйлайман", деган Украина президенти.

Моҳарога янги сабаб шуки, Крим Россия тарихига қўшилганидан норози бўлган Херсон вилояти ҳукумати ярим оролнинг сув таъминотини тўсиб қўювчи тўғон қурганди.



ПУТИН БАЙДЕНДАН ЎРНАК ОЛАДИМИ?

Маълумотларга кўра, яқинда АҚШнинг янги президенти Жо Байден ўзини Covid-19га қарши эмлатган. Гарчи, Россия президенти Владимир Путиннинг матбуот котиби Дмитрий Песков: "Биз ўзини ўзи таъминлайдиган мамлакатмиз, бизда Байдендан кам бўлмаган тажрибага эга, ўзини ўзи таъминлайдиган мутлақ президент бор", дея Россия президенти Байденга қараб иш юритмаслигини айтган бўлишига қарамай, сўнгги пайтларда, Владимир Путин ҳам Covid-19га қарши ўзини эмлатмоқчи эканлиги тўғрисида хабарлар тарқалди.

Шунга қарамай, Дмитрий Песков журналистларнинг саволларига қатъий йўқ, деб жавоб берган. "Путин доимий равишда Covid-19га қарши эмлаш билан шуғулланади ва бу борада бошқаларга туртки берадиган "мотор", деган Песков.



Интернет материаллари асосида Юсуф ЖЎРАЕВ тайёрлади.

МУТОЛАА

Фалак қўлидаги ЖОМ

Ойдин Ҳожиёва -нинг "Ишқ аро парвоналар" номли таржима китоби бундан олти йил муқаддам нашр этилган ("Мумтоз сўз", 2014. – 108 б) экан. Бу тўплам шоиранинг ўз ҳисобидан оз нусхада чиқарилгани, китоб дўконлари орқали сотилмаганлиги учун ҳам кўпчилик ўқимаган бўлиши мумкин. Китобда Озарбайжон халқи туҳфа этган қатор шоирлар орасида алоҳида ўрин тутаётган уч нафар — Маҳсатий Ганжавий, Ҳайрон хоним, Хуршидабону Нотавонларнинг шеърлари озарбайжон ва форс тилларидан ўз тилимизга ўзгарилагани ўзбек китобхоналарини, албатта, қувонтиради.



Маҳсатий Ганжавийнинг асл исми Муниса бўлиб, 1098-1188 йилларда яшаб ижод этган. У Умар Ҳайём, Низомий Ганжавий билан яқин ижодий алоқада бўлган. Асосан, рубоий жанрида ижод қилган.

Ойдин Ҳожиёва бармоқ вазида шеър ёзиб, ўзига хос тасвир йўлини топанг шоира. Унинг Муниса Маҳсатий рубоийлари таржимасини ўқиб Ҳайрон қолдим. Рауф Парфи ҳам ижоди давомида деярли ғазал ёзмаган. Аммо "Жаҳон адабиёти"да таниқли бир шоир ғазаллари таржимасини ўқиб шундай ҳолга тушгандим. Демак, Ойдин опа Рауф Парфи сингари фақат ўз йўлидан юришни афзал билган бўлса-да, мумтоз шеърятимиз намуналарини ижоднинг пойдевори деб билган. Қаранг, Маҳсатий Ганжавий рубоийлари таржимон наздида қандай жаранглаган:

Юз шукр, субҳу шом ризикм муҳайё,
Ва леким хуш ўтмас кунларим асло.
Заҳарга айланар оғзимда шинни,
Ҳақирлар ёдимга тушган ҳамоно.

Сабр, таъма ҳақида кўп гапирилади. Ёзилади. Аммо мол-давлат бандиларининг ноқорларга насихатида ҳам сабрли бўлишга чорловлар борлиги барибир кишини ўйлантиради. Бу ҳолни баҳолашга қийналасан. Шундай ўй Маҳсатий кўнглидан ҳам кечган бўлса керак, ёзади:

Бировларга кунинг қолса, бу — ёмон,
Қуриган шох соя солибди қачон?
Сабр азиз айлар, таъма этар хор,
Тансиқ нарсаларга қаноат даркор.

Шоиранинг Умар Ҳайём билан адабий алоқада эканлигини юқорида айтдик. Хўш, у қай жиҳати билан ундан фарқ қилади? Маҳсатийнинг деярли барча рубоийларида аёл қалби кўриниб туради: "Ҳар гал ёр камондан ўқ отган чоғи, гулдай дудогидан ўпич олсайдим". Тўғри, устози таъсирида ҳам битганлари бор: "Шод яша, тупроқда ётгун бенаво", "Дунё ҳам фалакнинг қўлидаги жом, Қон тўла пиела, десам, рост бўлар". Шу ўринда айтиш жоизки, рубоий жанрида камдан-кам ижодкор янги фикр айта олади. Чунки Бедил, Умар Ҳайём, Пахлавон Маҳмудлар бу жанрни юксакларга кўтаришган. Маҳсатий яна шу юксакликка кўтарила олган. "Хароботдан чиқиб бир ой юксалди", "Харобот — манзили жўмард эрларнинг, Бунда ўрни йўқдир бадкирдорларнинг" дея шоира дарвешлар дунёсига назар солса, бошқа бир рубоийсида эронларнинг толибларни тарбиялаш учун тоблаганларига ишора қилади: "Афсус чекма дея зарар келтирдим".

Ҳайрон хоним XVIII асрнинг 80 йиллари XIX асрнинг 50 йилларида яшаб ижод қилган. У Озарбайжоннинг Нахичиван шаҳрида Кангарли думбули авлодида мансуб хонадонда туғилиб вояга етган. У, асосан, ғазал жанрида ижод қилган. Шоира ёзади: "Тақдирга чора йўқдир рози-ризодан бошқа". Ўйлаб қолсан: фоний дунёда бўш қўйган нафсимиз, биронинг ҳақидан қўрқмаслигимиз, дилдорлигимиз, ўзимизга, бошқаларга бефарқлигимиз тақдирга қанчалик алоқадор?

Тасаввуфда ёрни Яратганга тимсол сифатида қўллаш аъёнаси икки йўналишда давр суриб келган: ҳол талабиди ва ҳоли ибрат бўладиганлар таъсирида. Ҳайрон хоним ижоди иккинчи йўналишга хос:

Дилим бир булбули беошиёндур,
Унга еул бутоғи бир макондур.
Чун дилбар кетди, йилмон — дин кетди,
Дилу жон изма-из йўлга равондур.
Ёки:
Бир ой юзли илинжида нигоҳин бор,
Саҳарлар, кечаларда нола, оҳим бор.

Шоиранинг бундай шеърлари кўп ва О.Ҳожиёва уларни маромага етказиб таржима қилган.

Хуршидабону Нотавон 1832-1897 йилларда яшаб ижод этган. 1855 йили шоира Бокуда француз адаби Алекандр Дюма билан учрашган. Дюма хотираларида "онаси 40, қизи 20 ёшлар атрофида бўлиб, улар қўлидаги фарзандларини худди қўғирчоқ каби ўйнатиб туриш"ни ёзади. Шоира ижоддан ташқари мусиқа, расомлик, бадиий каштадўзлик, қўйлақка беазак беришда моҳир бўлган". Шоира "Мажлиси фаромуш" тўғрисидаги моддий жиҳатдан таъминлаб турган. "Хон қизи булоғи" деб ном олган сув таъминотини ишга туширган. Шу булоқни шоира ижодида менгзаса ҳам бўлади. Аммо бунда у меҳр булоғига айланади.


Шоира илоҳий ишқ ошмқлари ҳолатини шундай тасвирлайди: *Кўнел қонин кўзумдин новаки ғамзанг равон айлар, Масалдур мардум ичра: "Маст ўлан, албатта, қон айлар. Кўнел билким, у чашми маст ўлуб асло хато этмас, Сира йўқ шубҳа гар қон этмак ўлса, қонга — қон айлар.*

Яратганга бағишланганлар эътиқод, иймон тақозо этса, уни ўз жони, қони эвазига бўлсин ҳимоя қилади, деган фикрни илгари сурган шоира бошқа ғазалида дил аҳлини огоҳлантиради: "Ҳар оқшом кўрди мажлисдаки, шам ағрға ёрдуру". Китоб муқаддимасида Жаннат Нағиева уч шоира тақдирини шундай изоҳлайди: "Маҳсатий эл-юртидан қувғин этилди, Нотавон таҳқир ва ҳасратда умр кечирди. Ҳайрон хоним мажбуран Эронга кўчирилди, ёридан йироқ тушди — Табризда узоқ вақт танҳоликда умр кечирди". Аммо улар кўрган жабру ситамлар, қилган орзу-умидлар илди эканки, муаттар гуллар унди, ўсди, муаттар хидлар таратмоқда. Мана, бу ифтордан бугун бизнинг элимиз ҳам баҳраманддир.

Илҳом АХРОР

ЭЪЛОН

Тошкент шаҳар, Шайхонтоҳур туманидаги 82-умумтаълим мактаби томонидан Юлдашев Отабек Тулқуновичга 1989 йилда берилган В№ 298292 рақамли аттестат йўқолганлиги сабабли БЕКОР ҚИЛИНАДИ.



Байрам шуккухи хамиша хамрохингиз Бўлсин.

Ватанимиз равнаки,
юртимиз барқарорлиги
ийўлидаги ишларингизнинг
барорини берсин!




Ислом АСИЛБЕКОВ
Ўзбекистон Журналистлари ижодий
уюшмаси мутахассиси


Амкасбларга байрам азили

Албатта, янги йил кириб келар экан, наинки йиллар яна бир йил илгариларди, балки инсонлар ҳам бир ёшга улғаяди. Ана шу ажойиб байрам арафасида ҳамма янги йилни оила даврасида нишонлашга одатланган. Табиийки, оила даврасида ҳазил-мutoйбасиз байрам ўтмайди...

Аслида, Оммавий ахборот воситалари ҳам — катта бир оила. Бу оилада устозлик даражасидаги инсонлар, шу соҳада суяги қотиб, эл-юртда ҳурмат-эътибор қозongan ижодкорлар билан бир қаторда, эндигина журналистиканинг машаққатли меҳнатида бардош берман деб, соҳага кириб келаётган ёшлар ҳам талайгина. "Hurriyat" газетаси жамоаси Янги йил байрами барча кўнгилларга шодлигу хуррамлик олиб келсин, — дея куйидаги "самимий ҳазил" саҳифасини сиз — азишларга тортиқ этади.



"Ўзбекистон овози" газетаси
Бош муҳаррири, Олий Мажлис Қонунчилик палатаси депутаты Сафар ОСТОНОВ:
Кўп мингйиллик муҳаррир, кўп мингйиллик амалдор, Доим ўтнинг остида ул инсоннинг ўроғи.
"Ўзбекистон овози" гар Сафар Остон бўлса, Хирллаб қолган эрур матбуотнинг томоғи.



"Адолат" газетаси Бош муҳаррири
Ислом ҲАМРО:
Кимдир шуҳрат излаб медалли бўлғай,
Ким эса излагай юртга қасида.
Ислом Ҳамро эса адолат излаб,
Дуч келган "Адолат" газетасига.

Ўзбекистон Миллий телерадиокомпанияси
шарҳловчиси Қуддус АЪЗАМга:

Баҳс кетса гар Қуддус Аъзам,
Ким томонда — билиб бўлмас.
Нухаси йўқ, ҳам ул зотга
Зарра тақлид қилиб бўлмас.
Агар ул зот балик бўлса,
Тўрага ҳеч вақт илиб бўлмас.




"Халқ сўзи" газетаси Бош муҳаррири ўринбосари
Шуҳрат ЖАББОРОВга:

Тез ёзади мақолани,
Еқтирмайди чой-чақани.
Ҳеч ким билмас қайга сарфлар
Ойлик билан нафақани.



"Оила даврасида" газетаси
Бош муҳаррири Хусниддин БЕРДИЕВга:
Тўрт ўғил, тўртта қизнинг гала-говурларидан
Одамнинг боши айниб қолай дейди баъзида.
Хусниддинбой Бердиев, аҳволингиз яхшими,
Минг опти юз кишилик "Оила даврасида"?



Саҳифадаги ҳазил расмларни
Хусан СОДИКОВ чизган.


"Ўзсаноатқурилишбанк"
Ахборот хизмати раҳбари
Беҳзод БОЗОРОВга:

"Моҳият"нинг ишини секингина битириб,
Бир амаллаб тиқилиб олгандилар ЎзАга.
Ёғли-ёғли жойлардан соққали иш қидириб,
Банкка ҳам кириб олди Бозоров Беҳзод ака.



"Адабиёт зиёси" газетаси
Бош муҳаррири
Маҳмуд ТОИРГА:

Муҳаррирдан чиққан шоир,
Сенатор бўп даверин сураб.
"Адабиёт зиёси", деб
Ўзин ўтга-чўққа ураб.
...Ўнеу туида "пахта терар"...



"Фарғона ҳақиқати" ва "Ферганская правда" газеталари Бош муҳаррири
Муҳаммадjon ОБИДОВга:

Кўнгулларнинг малҳами,
Бордир ўтқир қалами.
"Ахборот"дан дили совиб,
Газетдан олар аламин.



"Миллий тикланиш" газетаси
Бош муҳаррири
Миродил АБДУРАҲМОНОВга:

"Яна биздан кўчирди", деб
Муҳаррир дўстлар хурпаяр.
У дейдики: одамдан одам,
Газетдан газет кўпаяр.
Окамларнинг фазилати,
"Лағмон"ни ҳам жа куш кўрар.



"Маърифат" ва "Учитель Узбекистана" газеталари Бош муҳаррири
Хусан НИШОНОВга:

Обуна кам бўлса бўлсин, таълим хароб бўлмасин,
Вазирга терс кетса кетсин, обрў сароб бўлмасин.
Обуна мавсумидан фақат Хусан Карвонли,
Велосипедада ўтар, бензин исроф бўлмасин.



"XXI аср" газетаси Бош муҳаррири
Норқобил ЖАЛИЛга:

Кўпни кўрган муҳаррир — устоз Норқобил Жалил
Юзурган кўринади оз-моз обуна учун.
Партия қанотида "XXI аср"
Амал-тақал ўтмоқда янги йилга бус-бутун.



"Ишонч" ва "Ишонч-доверие" газеталари
Бош муҳаррири Хусан ЭРМАТОВга:

"Ишонч"нинг иши яна беш эмиши, ёронлар,
Кўчада юрсам шу гап, нетга кирсам ҳам шу гап.
Ўзи жуда зўр жой-да ўша "Ишонч" томонлар,
Хусан Эрмат шод юрмиш обуналарни санаб.



"Янги Ўзбекистон" газетаси
Бош муҳаррири Салим ДОНИЁРОВга:

Эски сўзин қилинг янгига таҳрир,
Газет иши шулдур, ўрганинг, тақсир.
Шул танбеҳ автўри: Салим Дониёр —
"Янги Ўзбекистон"га эски муҳаррир.



"Ўзбекистон адабиёти ва санъати" газетаси Бош муҳаррири Салим АШУРГА:

Обунадан безган шоир,
Бир тутилди, бир қутулди.
Чархпалакдай умр, ахир,
Бир қутулди, бир тутулди.
Газетчилик шавқи билан,
Эй, барчаси унутилди...
Ажаб эмас эрта айтсак,
Бир тутулди, бир қутулди.



"Саодат" журнали Бош муҳаррири
Мунаввара УСМОНОВАга:

Тарихингидир ўтган аср
Бўлди дoston "Саодат"им.
Сенга тенгдош "Ойна"ю
"Саодат Туркистон", "Саодат"им.
Ўтдилар нурли бошиндан
Ўйнатиб қаламларин
Зулфия-ю Ҳалимадек
Эмасман маржон "Саодат"им.



"Шарқ" НМАК Бош муҳаррири
Ахрор АҲМЕДОВга:

Китобдан не фойда? Пул келтирмаса,
Соққали эмасу ноширнинг иши?
Ахрор Аҳмедовдан сўраб кўрингиз,
Китобнинг фойдасин билур шул киши.



"Шарқ юлдузи" ва "Звезда востока" журналлари Бош муҳаррири
Сирожиiddин РАУФга:

Уюшмага борсам мен агар,
Сирожиiddин акани кўриб қайтаман.
У қон йилгаб дейди: "обунани,
Адашмига қандай айтаман?"
Бу нечук гап таълимга вазир,
Журналларга эмас мунтазир.
Не замонки, азамат эрлар,
Ўзинг учун ўл етим, дерлар.



"Ўзбекистон-24" радиоканали шарҳловчиси
Шарофиддин ТУЛАГАНОВга:

Телевидениеда
Тажирибали устоздир.
Муҳлислар фейсбукдаги
Постига ишқибоздир.
"Подписчик"лар кунора
Жўнатиб турар узум.
Шарофиддин Тулаганов
Туширмаслик-чун қовун.

BAҒРИКЕНГЛИК

Янги йил остонасида турибману ортда қолган йиллар кўз олдимда айланади. Озодликдан айро ўтган олти йилни уйимиз тўридаги менинг жойим ва болаларимнинг бағри бўшаб қолганини ҳис қилиб ўтказдим. Ўғлим Абдулазиз ҳар янги йилда қорбодан совға эмас, менинг келишимни сўраганини эшитиб, ўзимни қаерга қўйишни билмай қолардим, — дейди Жамолiddин Саидахмедов.



“Мен уйга қайтдим, ўғлим!”

Маҳкумликдаги одам учун оила бағрида бўлишдан ортиқ бахт, озодликдан ширин сўз йўқ дунёда.

Давлатимиз раҳбарининг Бош Қомусимиз қабул қилинганлигининг 28 йиллиги муносабати билан “Озодликдан маҳрум этиш жазосини ўтаётган, қилмишига чин кўнгилдан пушаймон бўлган ва тузалиш йўлига қатъий ўтган бир гуруҳ шахсларни афв этиш тўғрисида”ги Фармони асосан, Фарғона вилоятдан 5 нафар юрtdошимиз мuddатидан олдин озодликка чиқди, шунингдек, шу вилоятлик яна 4 нафар маҳкумларнинг жазо мuddатлари қисқартирилди.

Қўштепа тумани, “Соҳибқор” маҳалла фуқаролар йиғинида истиқомат қилувчи Жамолiddин Саидахмедов ҳам афв этилганлар қаторида оиласи бағрига қайтди. У тақиқланган оқим ғояларини тарғиб қилгани учун 2015 йили 7 йил мuddатга озодликдан маҳрум қилинган эди. Бугун унинг орзулари ушалди.

У яна оиласи бағрида. Ахир, уй атрофида чопиб юрган наби-ралари ҳақида тўрт девор орасида яшаган пайтларда эшитган эди. Шундан буён кўнгилдаги орзиқиш, унга тинчлик бермасди...

— Жазони ўташ давомида инсоннинг бахти оиласи бағрида хотиржам яшаш эканлигини чуқурроқ тушуниб етдим. Туну кун ҳаёлим оиламда бўлди. Болалар қандай ўқияпти, уларнинг қорни тўқ, усти бутми, касал бўлиб қолмадимкин, деб ўйлаётган ҳаловатим бўлмасди. Озодликдан маҳрум бўлиш бу — чегарасиз соғинч дегани экан. У сенга дунёнинг ранги, овқатнинг таъми, уйқунининг ҳаловатини унуттиради. Ҳар сафар уйдан хат келганида фарзандларимнинг омонлигини ўқиб, ўзимни овутардим.

Бу симтўрли деворлар менга сабр сўзининг маъносини аълатди. Виждонимнинг чорловини тингладим. Қизимнинг исмини айтиб уйғонган адоқсиз кечаларда шукр қилишни ўрган-

дим. Колония раҳбари қақриб, афв этилганимни айтганида, ишонасизми, юрагим ўзимники бўлмай қолди. Ҳа, мени кечирди, менга ишонч, имкон беришди. Ҳар доим оилам бағрига қайтсам, қолган умримни бой берилган имкониятлар ўрнини тўлдиришга сарфлайман, деб ният қилганман. Жамиятнинг тўлақонли аъзосига айланишни ўз олдимга мақсад қилиб қўйганман ва берилган имкониятдан оқилона фойдаланиб, билдирилган ишончни ўзимнинг ҳалол меҳнатим билан оқлайман, — дейди Жамолiddин ака қувончдан намланган кўзларини яшириб.

Синовлар инсонга бардош ва қаноатдан сабоқ бериши рост. Маликаҳон ўтган йилларда фарзандларига суянчиқ, умр

йўлдошига мададкор бўлди. Рузгорнинг камини игналаб тўлдирди. У тиккан қўйлақларнинг донғи Қўштепага ёйилган.

— Болаларимнинг: “Дадам қачон келади?” — деган саволаридан қочиб яшадим, — дейди Малика опа рўмолчининг учи билан кўз ёшларини артиб. — Кечалари дарвозани қулфладимми, деб хавотир ичида қайта-қайта ташқарига мўралардим. Шукрки, бу афв оиламизнинг кўргони, қуёшини бағримизга қайтарди.

Жамолiddин аканинг кўлида гулдек хунари бор. У тиклаган уйларнинг соҳиблари устанинг ҳақиқа ҳаммаша дуодалар. Қишлоққа қайтиб, икки ўғлини ёнига олган уста эшик, ром ясаш ишларини бошлаб юборди. Жамолiddин ака келаси йилдан

имтиёзли кредит олиб, мебель ишлаб чиқариш цехи очиш ва беш нафар маҳалла ёшларини иш билан таъминлашни мақсад қилган.

Хато қилган ҳар бир маҳкум борки, улар ҳам мана шу элнинг боласи. Адашгани афв этишнинг ҳикмати эса ҳаётда билиб-билмай қўйилган инсонга тўғри йўлни топиб олиши учун улкан имкониятдир. Қолаверса, унинг замирида халқимизга хос меҳр-муруват, бағрикенглик каби улғу фазилатлар мужассам.

Қувонарлиси, Абдулазизнинг энди Қорбоддан сўрайдиган совғаси бошқа. У кўнглига тўққан беғубор тилақларини янги йил куни ҳаммамизга маълум қилмоқчи...

Дилшода ЭРҒАШЕВА.

ТАФАККУР

ДОНОЛАР ВАҚТ ҚАДРИ ҲАҚИДА

Арзимаган ва бефойда нарсаларга керагидан ортиқча вақт сарфлаш доно одам учун ниҳоятда огирдир ва бу уни мислсиз ташвишга солади.

АФЛОТУН.

Одам табиатан қизиқ — бойлигини йўқотса хафа бўлади-ю умри зое кетаётганига эса парво қилмайди.

Абул ФАРОЖ.

Ҳаётни севасанми? Севсане, вақтни бой берма, чунки вақтдан ҳаёт деган мато яралади.

Б. ФРАНКЛИН.

Одамзод ҳаёти тежалган вақтга қараб узаяди.

Ф. КОЛЛИЕР

Энг огир йўқотишлардан бири — вақтни йўқотиш.

Ж. БУФФОН.

Соатларнинг ҳар бир дақиқасини ҳам қадрла.

Б. ФРАНКЛИН.

Айниқса вақтни бой бериш билимдон одам учун қимматга тушади.

И. ГЁТЕ.

Вақтини бой бераётганида хуноб бўладиган одам энг доно одамдир.

ДАНТЕ.

Вақт — ақлий меҳнат кишининг сармоси.

О. БАЛЗАК.

Вақт ва сув тошқини ҳеч қачон кутиб турмайди.

В. СКОТТ.

Ўртамиёна одам вақтни тез ўтказиш пайида бўлади, истеъдод соҳиби эса ундан фойдаланиб қолишга уринади.

А. ШОПЕНГАУЭР.

ҚУТЛОВ



Yangi 2021 yilingiz muborak!

AGROBANK

Реклама ҳуқуқи асосида.

РАССОМ ХАНДАСИ



Хусан СОДИҚОВ чизган карикатура.

Hurriyat
Mustaqil gazeta



Муассис:
Ўзбекистон
Журналистлари
ижодий уюшмаси

Бош муҳаррир

Абдурасул ЖУМАҚУЛОВ

Газета 2007 йил 3 январда Ўзбекистон Республикаси Матбуот ва ахборот агентлигида 0080 — рақам билан рўйхатга олинган.

Ҳажми 8 босма табоқ, Бичими — А-2.
Баҳоси келишилган нархда

Таҳририятга келган хатлар доимий эътиборимизда.

Мақола ва хабарларда келтирилган маълумотлар учун муаллиф жавобгар.

Адали: 4004

Буюртма — Г-1265

1 2 3 4 5 6

ЎЗА якуни — 02⁴⁵
Топширилди — 05³⁰

Телефон: (71) 244-32-68, 244-32-91
Тел-факс: (71) 244-32-80
Реклама ва маркетинг бўлими: (71) 244-32-70



Обуна индекси:
якка
обуначилар ва
ташқилотлар
учун — 233

Манзил: 100011, Тошкент шаҳри, Навоий кўчаси, 30-уй.
Elektron manzil: gazhurriyat@mail.ru; info@uzhurriyat.uz

Газета таҳририят компьютер марказида терилди ва дизайнер Э.Елгоров томонидан саҳифаланди.

Навбатчи: Ҳ.Қодиров, Мусаҳҳиҳ: Ш.Убайдуллаева.

“Шарқ” НМАК босмаҳонасида чоп этилди.
Босмаҳона манзили: Тошкент шаҳри, Буюк Турон кўчаси, 41-уй.